



1964
1594

Bosnia and Herzegovina
Federation of Bosnia and Herzegovina

CANTON SARAJEVO
Ministry of Finance

Broj: 08-05-23628.31/19
Sarajevo, 09.07.2019. godine

N/r Predsjedavajući Skupštine Kantona Sarajevo Elmedin Konaković

PREDMET: Odgovor

VEZA: Dopis Skupštine Kantona Sarajevo, broj:01-05-23628-31/19 od 02.07.2019.godine

Poštovani, u vezi vašeg dopisa, broj: 01-05-23628-31/19 od 02.07.2019.godine, u kojem navodite da je zastupnik u Skupštini Kantona Sarajevo, gosp. Elvis Vreto, na Desetoj radnoj sjednici Skupštine Kantona Sarajevo održanoj dana 24.06.2019. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona postavio zastupničko pitanje kako glasi u navedenom Vašem dopisu, obavještavamo Vas i ujedno dostavljamo odgovor Ministarstva finansija Kantona Sarajevo na isto, kako slijedi:

- **procedure utvrđene Zakonom o obrtu i srodnim djelatnostima („Službene novine Federacije BiH“, br. 35/09 i 14/11) vezane za: izdavanje obrtnice, tradicionalne i stare obrte, domaću radinost i sezonsko obavljanje djelatnosti, početak, privremeno obustavljanje, obavljanje obrta u vidu dopunskog ili dodatnog zanimanja, prestanak obavljanja obrta, kao i obavljanje obrta u izdvojenom prostoru provodi opštinski, odnosno gradski organ nadležan za oblast obrtništva kao nadležni organi, u skladu sa članom 15. Zakona o obrtu i srodnim djelatnostima („Službene novine Federacije BiH“, br. 35/09 i 14/11),**
- **u skladu sa članom 62. Zakona o obrtu i srodnim djelatnostima, obrtnici i lica koja obavljaju srodne djelatnosti danom upisa u Obrtni registar postaju članovi obrtničke komore kantona na čijem teritoriju se nalazi njihovo sjedište, s tim da su fizička lica iz stava (1) ovog člana obavezna plaćati članarinu. Kontrolu naplate članarine vršit će nadležni poreski ured u skladu sa ovlaštenjima utvrđenim Zakonom o Poreznoj upravi Federacije Bosne i Hercegovine, s tim da Federalni ministar razvoja, poduzetništava i obrta po prethodno pribavljenom mišljenju Obrtničke komore Federacije Bosne i Hercegovine u spornim slučajevima održuje koje srodne djelatnosti potpadaju pod oblike udruživanja propisane ovim zakonom,**
- **u skladu sa članom 63. Zakona o obrtu i srodnim djelatnostima, Pravilnik o visini članarine, njenoj raspodjeli između udruženja obrtnika i udruženja lica koja obavljaju srodne djelatnosti, obrtničkih komora kantona i Obrtničke komore Federacije Bosne i Hercegovine i**




web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



načinu uplate, donosi federalni ministar razvoja, poduzetništva i obrta na prijedlog Obrtničke komore Federacije Bosne i Hercegovine.

Napomena, detaljna objašnjenja vezana za „ČLANARINE OBRtničKIM KOMORAMA“ dat je u uradku Autora Zukić Denisa koji je imenovani uradio ispred Društva za izdavačke, instruktivno-obrazovnu, uslužnu i trgovinsku djelatnost FEB d.d. Sarajevo i isti je postavljen na internet stranici navedenog društva.

S poštovanjem,



Pripremio: Tahir Džogović



web: <http://mf.ks.gov.ba>
e-mail: mf@mf.ks.gov.ba
Tel: + 387 (0) 33 565-005, Cent.+ 387 (0) 33 565-000
Fax: + 387 (0) 33 565-052 i 565-048
Sarajevo, Maršala Tita 62



ČLANARINA OBRtničKIM KOMORAMA

Zakonom o obrtu i srodnim djelatnostima ("Službene novine Federacije BiH", broj 35/09), utvrđena je obaveza plaćanja članarine obrtničkim komorama od strane obrtnika i drugih lica koja su članovi obrtničkih komora. Istim zakonom utvrđena je i obaveza obrtničkih komora da transferišu sredstva udruženjima. Način obračuna i uplate članarina određen je **Pravilnikom o visini, raspodjeli i načinu uplate članarine obrtnika i lica koja obavljaju srodne djelatnosti** ("Službene novine Federacije BiH", broj 52/10).

Članom 61. Zakona o obrtu i srodnim djelatnostima utvrđeni su oblici udruživanja obrtnika i lica koja obavljaju srodne djelatnosti:

Udruženje obrtnika - Obrtnici koji obavljaju iste *vezane obrte*[1] ili iste *posebne obrte*[2], zbog unaprijeđivanja, usuglašavanja i ostvarivanja zajedničkih interesa, na određenom području (općina ili grad) osnivaju udruženje obrtnika.

Udruženje lica koja obavljaju srodne djelatnosti - Ovo udruženje se formira iz istih ciljeva zbog kojih se formira i Udruženje obrtnika. **Opće udruženje** - Obrtnici i lica koja obavljaju *srodne djelatnosti*[3] sa područja jedne općine ili grada, zbog unaprijeđivanja, usuglašavanja i ostvarivanja zajedničkih interesa, mogu utemeljiti opće udruženje.

Obrtnička komora kantona - Obrtnička komora kantona je pravno lice koje se formira u cilju zastupanja interesa svih obrtnika i lica koja obavljaju srodne djelatnosti na području jednog kantona.

Obrtnička komora Federacije Bosne i Hercegovine - Obrtnička komora Federacije Bosne i Hercegovine je samostalna, stručno – poslovna organizacija obrtnika i lica koja obavljaju srodne djelatnosti koja se utemeljuje radi usaglašavanja i zastupanja zajedničkih interesa članova Komore.

U skladu sa članom 62. Zakona o obrtu i srodnim djelatnostima **obveznici plaćanja članarine** su:

1. Obrtnici, koji samostalno ili u zajedničkom obrtu obavljaju djelatnost
2. Lica koja samostalno ili zajednički obavljaju srodne djelatnosti
3. Privredna i trgovačka društva i druga pravna lica, osnovana po drugim zakonima, koja su se dobrovoljno učlanila u udruženje.

Obrtnici i lica koja obavljaju srodne djelatnosti na području kantona postaju članovi obrtničke komore **danom upisa** u Obrtni registar. Trgovačka i privredna društva i druga pravna lica, osnovana po drugim zakonima, koja su se dobrovoljno učlanila u udruženje, odnosno u obrtničku komoru, postaju članovi obrtničke komore **danom donošenja odluke o prijemu u članstvo** od strane nadležnog organa udruženja, odnosno obrtničke komore.

Obrtnik je dužan otpočeti s obavljanjem djelatnosti najkasnije u roku od 30 dana od dana konačnosti rješenja o odobravanju obavljanja obrta.

Za zajedničke obrte bitno je naglasiti da obveznik plaćanja članarine nije svaki ortak ponaosob, već da se za takav obrt plaća samo jedna članarina. Bitno je naglasiti da su posebne kategorije zanimanja (advokati i notari) dužni plaćati članarinu ukoliko se registruju po propisima obrta.

Zakonom je ovlašten federalni ministar razvoja, poduzetništva i obrta da donese pravilnik o visini članarine i njenoj raspodjeli između subjekata koji se finansiraju iz članarine (komore i udruženja obrtnika). Visina članarine utvrđuje se za svaku godinu posebno. Za 2011. godinu donešena je **Odluka o visini članarine, raspodjeli između udruženja obrtnika te udruženja lica koja obavljaju srodne djelatnosti i obrtničkih komora Federacije BiH te načinu uplate članarine obrtničkoj komori za 2011. godinu**, Službene novine Federacije BiH 08/11). Prema navedenoj odluci za 2011. godinu, osnovica za uplatu članarine za sve obrtnike je osnovica za obračun doprinosa koju objavi Federalno ministarstvo finansija Vlade FBiH.

Utvrđena je i visina stope za obračun osnovice članarine:

- a) u iznosu od 1% za obrtnike, lica koja obavljaju srodne djelatnosti,
- b) u iznosu od 1% za trgovačka društva i druga pravna i fizička lica na osnovu iskazane dobiti u prethodnoj godini.

Od ukupno naplaćene članarine raspoređuje se:

1. Obrtničkoj komori kantona 80%.
2. Obrtničkoj komori FBiH 10%.
3. Razvojnog fondu Obrtničke komore FBiH 10%

Obveznici plaćanja članarina vrše uplatu članarine na račun obrtničke komore kantona prema sjedištu obrta/srodne djelatnosti, odnosno sjedištu privrednog društva/drugog pravnog lica, a obrtničke komore kantona pripadajući dio članarine plaćaju obrtničkoj komori Federacije BiH, kao i udruženjima obrtnika, udruženjima lica koja obavljaju srodne djelatnosti i općim udruženjima prema procentima koji se utvrđuju za svaku godinu. Uplatni računi obrtničkih komora kantona i Obrtničke komore Federacije BiH su sljedeći:

OBRtničKA KOMORA	ID BROJ	BANKA	ŽIRO RAČUN	ŠJEDIŠTE
OK FEDERACIJE BOSNE I HERCEGOVINE	4227560870000	Raiffeisenbank d.d. Mostar	1610200048330057	Stjepana Radića 76E, 88000Mostar
OK UNSKO-SANSKOG KANTONA	4263261330003	Unionbanka Bihać	1020220000053653	Bihaćkih branilaca 47, 77000Bihać
OK POSAVSKOG KANTONA	4254106450001	UniCredit bank d.d. Odžak	3383302200683915	Titovab.b., 76290 Odžak
OK TUZLANSKOG KANTONA	4209427200001	NLB Tuzlanska banka Tuzla	1321000309127368	Slavka Mičića 60, 75000 Tuzla
OK ZENIČKO-DOBOJSKOG KANTONA	4218531270002	VakufskabankaZenica	1604200042487174	Kučukovići 2, 72000Zenica
OK BOSANSKO-PODRINJSKOG KANTONA	4245053320004	Unionbankad.d.Goražde	1020070000024609	Sinan paše Sijerčića19, 73000 Goražde
OK SREDNJOBOSANSKOG KANTONA	4236416740001	HVB Central Profitbanka Travnik	3389002210510797	Josipa Bana Jelačića bb, 72270 Travnik
OK HERCEGOVAČKO-NERETVANJSKOG KANTONA	4227468470003	UniCreditbankd.d. Mostar	3381002202633439	Stjepana Radića 76E, 88000 Mostar
OK ZAPADNOHERCEGOVAČKOG KANTONA	4272259770003	UniCreditbankd.d. Grude	3381402200772183	Dr.FranjeTuđmana83,88340 Grude
OK KANTONA SARAJEVO	4201009580000	Pro Credit banka Sarajevo	1941013100000107	Čobanija18-20 , 71000Sarajevo
OK KANTONA 10	4281165270006	Hypobankad.d. Tomislavgrad	3060050000417116	Mijata Tomićabb,80240 Tomislavgrad

Oznaka vrste prihoda članarine obrtničkim komorama (utvrđena pravilnikom o načinu uplate javnih prihoda) je **722567**.

Članarina komorama se **uplaćuje kvartalno na depozitni račun Obrtničke komore kantona**. Obveznici obračunavaju i uplaćuju članarinu u rokovima dospijeća prema sljedećem rasporedu:

Tromjesečje	Datum utekuće godine		Zaduženje za razdoblje
	Zaduženja	Dospijeća	
<i>I</i>	15.02.	28.02.	<i>januar–mart</i>
<i>II</i>	15.05.	31.05.	<i>april–juni</i>
<i>III</i>	15.08.	31.08.	<i>juli–septembar</i>
<i>IV</i>	15.11.	30.11.	<i>oktobar–decembar</i>

Dio članarine, u skladu sa koeficijentom raspodjele, obrtničke komore kantona uplaćuju na račun udruženja obrtnika, udruženja lica koja obavljaju srodne djelatnosti i opštih udruženja sa svog područja u rokovima dospijeća po sljedećem rasporedu:

Tromjesečje	Datum utekuće godine		Zaduženje za razdoblje
	Zaduženja	Dospijeća	
<i>I</i>	28.02.	15.03.	<i>januar–mart</i>
<i>II</i>	31.05.	15.06.	<i>april–juni</i>
<i>III</i>	31.08.	15.09.	<i>juli–septembar</i>
<i>IV</i>	30.11.	15.12.	<i>oktobar–decembar</i>

Za članarine neuplaćene u roku dospelosti zaračunavaju se zatezne kamate, za svaki dan zakašnjenja zaračunava se **zatezna kamata od 0,04%**. Za više plaćene iznose članarine obveznici imaju pravo zatražiti povrat više plaćenih iznosa članarine sa pripadajućom kamatom.

Obrtnička komora kantona može **osloboditi, odnosno otpisati potraživanja s osnova članarine obvezniku**

koji je u nemogućnosti izvršiti svoju obavezu zbog privremenog zatvaranja obrta/srodne djelatnosti radi bolesti, nastupa više sile ili slično. Pravo na oslobađanje od plaćanja članarine, odnosno otpisa potraživanja po osnovu članarine ostvaruje se podnošenjem pisanog zahtjeva obrtničkoj komori kantona sa vjerodostojnim dokazima da je nastupio razlog zbog kojeg se obaveza ne može izvršiti.

Zakonom o obrtu i srodnim djelatnostima određeno je kada i pod kojim uslovima se obrtnica može prenijeti na drugo lice:

- Nakon smrti obrtnika, obrtnica se može prenijeti na njegove nasljednike (**Član 32. Zakona o obrtu i srodnim djelatnostima**).

- U slučaju djelomičnog ili potpunog gubitka poslovne sposobnosti obrtnika, obrtnica se može prenijeti na supružnika ili na djecu. Ukoliko obrtnik nema supružnika, odnosno djecu, obrtnica se može prenijeti na njegove roditelje, odnosno braću ili sestre (**Član 35. Zakona o obrtu i srodnim djelatnostima**).

- Obrtnica se može prenijeti na drugu osobu u slučaju kupoprodaje obrta (**Član 37. Zakona o obrtu i srodnim djelatnostima**).

Obaveza plaćanja članarine prestaje:

- za obrtnike/lica koja obavljaju srodnu djelatnost koji samostalno ili zajednički obavljaju obrt/srodnu djelatnost (obavezni članovi) **danom brisanja** iz Obrtnog registra.

- za trgovačka i privredna društva i druga pravna lica, osnovana po drugim zakonima, koja su se dobrovoljno učlanila u udruženje, odnosno u obrtničku komoru nastaje **danom donošenja odluke o brisanju iz članstva** od strane nadležnog organa udruženja, odnosno obrtničke komore.

Obveznici plaćanja	Nastanak obaveze plaćanja članarine	Prestanak obaveze plaćanja članarine
Obrtnici, koji samostalno ili u zajedničkom obrtu obavljaju djelatnost	danom upisa u Obrtni registar	danom brisanja iz Obrtnog registra
Lica koja samostalno ili zajednički obavljaju srodne djelatnosti	danom upisa u Obrtni registar	danom brisanja iz Obrtnog registra
Trgovačka i privredna društva i druga pravna lica, osnovana po drugim zakonima, koja su se dobrovoljno učlanila u udruženje	danom donošenja odluke o prijemu u članstvo od strane nadležnog organa udruženja, odnosno obrtničke komore	danom donošenja odluke o brisanju iz članstva od strane nadležnog organa udruženja, odnosno obrtničke komore

Pravilnikom je propisano da se u pogledu zastare obaveze plaćanja članarine primjenjuju odredbe o rokovima iz Zakona o Poreznoj upravi Federacije BiH. Prema tom Zakonu **rok za zastaru je 5 godina**.

Autor: Denis Zukić, FEB d.d.



OBRTNIČKA KOMORA KANTONA SARAJEVO

Ulica Čobanija 18.-20. Sarajevo

Tel/Fax: 033 /200-771

Broj: 240 /19

Sarajevo, 10.07.2019.god.

**SKUPŠTINA KANTONA SARAJEVO
PREDSJEDAVALAJUĆI SKUPŠTINE KS**

n/r gđin. Elmedin Konaković

Reisa Džemaludina Čauševića 1

71000 Sarajevo

Bosna i Hercegovina
Federacija Bosne i Hercegovine
KANTON SARAJEVO

PRIMLJENO: 10-07-2019			
Opis posla	Klasifikaciona oznaka	Redni broj	Broj priloga
01	05	23628	31

13

Predmet: Odgovor na zastupničko pitanje

Veza: akt broj 01-05-23628-31/19

Poštovani,

Na osnovu Vašeg dopisa dobivenog dana 08.07.2019.godine u kojem navodite zastupničko pitanje na Desetoj radnoj sjednici Skupštine Kantona Sarajevo, održanoj dana 24.06.2019.godine od zastupnika Elvisa Vrete, i kako ima više pitanja tako ćemo i odgovarati:

- Pitanje, tražite da Vam se dostavi tabelarni pregled otvorenih/zatvorenih obrta unazad 10 godina: na ovo pitanje u kojem tražite period od 10 godina može da odgovori Federalni zavod za statistiku i Porezna uprava Federacije-Kantonalni porezni ured Sarajevo, a mi imamo bazu članova koji nam plaćaju članarinu.
- Pitanje, godišnji plan i program rada, podnošenje finansijskog izvještaja SKS-a: Obrtnička komora Kantona Sarajevo nije budetska organizacija te time nemora podnositi godišnji plan i program rada kao i finansijski izvještaj SKS-a, jer to ona podnosi svojoj Skupštini čiji članovi su obrtnici kao predstavnici svih općina na području Kantona Sarajevo.
- Pitanje, na koji način upoznavaju članove kako o obavezama koje dobijaju otvaranjem obrta, tako i o pravima koja im pripadaju: svim zainteresovanim koji nas prozovu putem telefona, direktnim dolaskom u naše prostorije, postavljenim pitanjima putem naše web stranice i facebook-a.

OBRAZLOŽENJE:

Zakon o obrtu i srodnim djelatnostima ("Sl. novine Federacije BiH", br: 35/09) utvrđena je obaveza plaćanja članarine obrtničkim komorama od strane obrtnika i drugih lica koji su članovi obrtničkih komora (obavezno članstvo je uvedeno 01.01.2011.godine, gdje imamo naplatu od 11% za 2018.godinu). Ovaj Zakon je donijelo Federalno ministarstvo razvoja,

poduzetništva i obrta, kao i Pravilnik o visini, raspodjeli i načinu uplate članarine obrtnika i lica koja obavljaju srodne djelatnosti ("Sl. novine Federacije BiH" br. 52/10).

Obaveza obrtničke komore, da uplati od dobivene članarine 20% Obrtničkoj komori FBiH, da od iznosa od 80% uplati udruženjima obrtnika (gdje Komora daje saglasnost na Statut) iznos od 50% u zavisnosti od broja uplaćenih članarina.

Naveli ste da je osnovica za uplatu članarina za sve obrtnika u iznosu od 1% za obračun doprinosa koju objavi Federalno ministarstvo finansija Vlade FBiH za tekuću godinu, što za ovu godinu imamo da obrtnici na mjesečnom nivou treba da plate iznos od 8,81 KM, za tradicionalne i stare zanate, poljoprivrednike i taksiste iznos od 3,39 KM.

Mi dosada nijednog obrtnika nismo tužili, niti zaračunavali zatezne kamate za svaki dan zakašnjenja.

Konstatacija da obrtnici ne znaju uopće za postojanje Obrtničke komore KS nije tačna jer u samom dobijanju Rješenja od strane općine za obavljanje obrtničke djelatnosti stoji kome se dostavlja Rješenje i pod rednim br. 10 je navedeno Obrtnička komora Kantona Sarajevo. Sada je na obrtniku, ako ima nekih problema da nas se obrati ili da sazna za prava koja mu pripadaju.

U toku dopisa se ponavlja pitanje šta obrtnici dobijaju sa postojanjem obrtničke komore:

Za Vas i sve zastupnike Skupštine KS dostavljamo sljedeće informacije:

Obrtnička komora Kantona Sarajevo je samostalna, nevladina, javno-pravna, stručno poslovna organizacija koji u skladu sa Zakonom o obrtu i srodnim djelatnostima zastupa i štiti interese obrtnika i lica koja obavljaju srodne djelatnosti, predstavlja ih pred kantonalnim i općinskim tijelima vlasti, a putem Obrtničke komore Federacije FBiH na nivou Federacije BiH. Organi komore su: Skupština Komore, Upravni odbor Komore i Nadzorni odbor Komore ravnomjerno zastupljeni obrtnicima koji dolaze sa područja devet općina.

Zadaci i poslovi Komore u skladu sa Zakonom:

- Zastupa i štiti interese obrtnika, svojih članova pred tijelima kantonalne vlasti i tijelima kantonalne i opštinske uprave
- Daje primjedbe i prijedloge tijelima kantonalne vlasti i tijelima kantonalne uprave kod donošenja propisa od interesa za obrtnike
- Sudjeluje u radu radnih grupa kod izrade zakonskih i podzakonskih prijedloga
- Daje mišljenje i upućuje inicijative u izradi prijedloga zakona i podzakonskih akata
- Komora daje upute, stručna mišljenja, savjete i ostalo potrebno za otvaranje obrta, budućih obrtnika
- Komora obavlja sve potrebne radnje po pitanju obrazovanja i osposobljavanja za potrebe izvođenja praktičnog dijela ispita, predlaže majstore u komisije za polaganje majstorskih ispita
- Ogranižuje sajmove u cilju prezentacije obrtništva kako u zemlji tako i u inostranstvu
- Sve Javne pozive koji se odnose na obrtnike putem web stranice i facebook-a zvanično objavimo

Aktivnosti Komore se ogledaju u sljedećem:

- Potpisivanje Povelje prijateljstva sa Obrtničkom komorom Zagreb, dana 12.04.2010.godine u dobroj namjeri sa željom daljnjeg razvoja prijateljskih i gospodarskih međusobnih odnosa
- Učešće na sajmu na Banovom trgu tradicionalni stari zanati Zagreb 12.04.2010.godine gdje smo prezentovali naše tradicionalne zanate
- Učešće na sajmu Zlatna igla 2010. I 2011.godine jačanje profesionalne i prijateljske saradnje sa ciljem da naši članovi prezentuju svoje proizvode

- Učešće na međunarodnom sajmu u Mostaru 2012., 2013. I 2014.godine sa ciljem da naši obrtnici prezentuju svoje proizvode
- Održavanje okruglog stola na temu: "Uloga EU fondova u razvoju pogranične saradnje između obrtništva FBiH i RH" u Sarajevu dana 07.05.2012.godine
- Redovno učešće na sajmu u Gračanici I Lukavcu od 2012.godine, gdje smo našim zainteresovanim obrtnicima omogućili da prezentuju svoje proizvode
- Redovno učešće na sajmu starih zanata u Goraždu od 13.07.2012.godine
- U sklopu projekta "Zaštite tradicionalnih zanatskih proizvoda sa područja Bašćaršije" koju je radila Gradska uprava smo proglašeni za Voditelja aktivnosti zaštite zanatskih proizvoda
- Učešće na međunarodnom sajmu tradicionalnih i starih zanata u Turskoj 2012.godine po pozivu
- Učešće na međunarodnom sajmu zanatstva – starih zanata, opreme i repromaterijala 2012.godine, sa ciljem uvezivanja sa Zanatsko-Poduzetničkom komorom Republike Srpske
- Održavanje radionica na temu "Prezentacija tradicionalnih i starih zanata" završnim razredima osnovnih škola na području Kantona Sarajevo, sa ciljem da učenicima olakšamo izbor budućeg zanimanja, gdje smo od 2012.godine pa do 2019.godine održali 128 radionica.
- Izdavanje Publikacije "Tradicionalni i stari zanati na području Bašćaršije" koja pored historijskog dijela nudi i pregled svih obrtnika na području Kantona Sarajevo, 2013.godine
- Urađen Pravilnik o polaganju majstorskog ispita za optičare, prvi na području Federacije sa ciljem da se omogući i svim drugim srednjim školama da uzmu učešća u dokvalifikaciji i prekvalifikaciji deficitarnih zanimanja, 2013.-2014.godina
- Redovno učešće u projektu "Pomoć za samopomoć" sa Udruženjem "Progres" u saradnji sa partnerskom Fondacijom "Wing of Hope" iz Minhena se omogućuje zapošljavanje mladih do 35 godina slabog socijalnog statusa gdje se obezbijedi finansiranje za šest mjeseci po 200 eura, tako da je od 2014.godine pa do 2019. godine primljeno 22 mladih.
- Krajem februara 2014.godine je potpisan Ugovor sa Bosna-Sunce Osiguranje d.o.o., sa ciljem stvaranja uslova za uspostavljanje rentabilnijeg procesa rada u okviru registrovanih djelatnosti, pružanju usluga, zajedničke realizacije pojedinih projekata. Predmet ovog Ugovora je pružanje usluga osiguranja Komori i članovima Komore. Bosna Sunce Osiguranje se obavezuje za članove Komore ponuditi posebne "pakete osiguranja" ili pojedinačne vrste osiguranja i za iste odobriti posebne pogodnosti.
- Učešće za održavanje manifestacije "Dani Istre u Sarajevu", gdje je potpisan Sporazum o saradnji između Obrtničke komore Istarske Županije i OKKS radi ostvarivanja interesa svojih članova radi razmjene informacija i iskustava (januar mjesec), s tim da je u februaru održano u Puli "Dani Sarajeva u Istri".
- Uzimanje učešća u vraćanju cijene "kirija" našim obrtnicima na području općine Stari Grad koja je iznosila do 40%, mart 2014.godine.
- U okviru Nastavnog plana i programa na Odsjeku za pedagogiju smo završnim studentima obezbijedili da obidu radionice naših obrtnika i to starih zanata na području Bašćaršije, dana 18.10.2014.godine. Jedno veliko oduševljenje studenata je bilo kada su im naši obrtnici prezentirali istorijat tog zanastva, (a naročito kada su bili kod Ismeta Huseinovića koji ima svoj muzej) te način kako to rade i kako se bore sa nelojalnom konkurencijom. Na ovaj način studenti su daleko bolje shvatili prezentiranje zanata, što im omogućava da lakše prenesu stečeno znanje učenicima.

- Zajednički organizovali okrugli stol na temu: "Sprečavanja rada na crno u obrtništvu FBiH" održanog u februaru 2015.godine sa Obrtničkom komorom Federacije BiH u Sarajevu
- Uzeli učešća na radionici pod pokroviteljstvom Obrtničke komore Federacije BiH na temu: Unapređenje obrtničkog sistema održanog mart 2015.godine
- Omogućili zainteresovanim frizerima da uzmu učešća na Reviji frizera organizovano od Općeg udruženja obrtnika Sanski Most, septembar 2015.godine.
- U oktombu 2015.godine se raspravljalo o novoj Uredbi o načinu plaćanja i raspolaganja gotovim novcem, koja je bila nepovoljna za sve obrtnike a posebno za stare zanate. Uspjeli smo se izboriti tako da danas stari zanati imaju način plaćanja kao što su ga i imali, a ostali obrtnici mogu jednom sedmično polagati pazar u banku, ako iznos pazara na dnevnom nivou ne prelazi 200 KM, i smanjili cijene povećanih bankarskih usluge.
- Omogućili zainteresovanim obrtnicima da uzmu učešća na sajmu u Abu-Dabiju koji je trajao dva mjeseca i imali su obezbijeđeno besplatan prevoz, smještaj kao i učešće na sajmu i ovo se svake godine organizira.
- Imali sastanak u ministarstvu privrede KS mart 2016.godine gdje smo ukazivali na aktuelne probleme koje imaju obrtnici
- Uzeli učešća na sajmu srednjih škola koji je održan u mašinskoj školi april 2016.godine
- U maju 2016.godine u trajanju od tri dana održana manifestacija "Dani otvorenih vrata OKKS" održana ispred Katedrale, gdje smo zainteresovanim prezentirali rad Komore i način otvaranja obrta.
- U Kući Zanata smo održali pet radionica učenicima osnovnih škola u cilju prezentacije kako starih zanata tako i ostalih.
- Uzelo se učešće na pripremama Zakona o obrtu i srodnim djelatnostima počevši od 2016 i do dana današnjeg on nije donešen (u drugom čitanju u Domu narodu FBiH), gdje je dat novi prijedlog Zakona o obrtu koji je ukazao na nove probleme koje obrtnici bi imali a to su: ukinute obrtnice, sve pravilnike koji su postojali da to bude u jednom pravilniku (što je nemoguće), definisati imovinu obrtnika (apsurd da svojom imovinom je obrtnik garant), ukinuta kupoprodaja obrta, da se obrtnicima omogući prodaja i popravak proizvoda, regulisati decidno ko može od članova porodice raditi u obrtu itd.
- Uzeli učešća u radionici "Razvoj kvalifikacijskog okvira za cjeloživotno učenje (u trajanju od dvije godine) počevši od 2017.godine
- Sa Gradskom upravom je potpisan Sporazum o realizaciji projekta "Oživljavanje obrta" koji se sastoji iz više faza i realizacija ovog projekta je planirana da traje četiri godine. Prva faza je anketiranje obrtnika, analiziranje rezultata i njihova prezentacija, zatim otvaranje novih kanala komunikacije, uspostavljanje partnerskih odnosa sa Kantonom, Gradom i Općinama kao i medijska partnerstva
- Obrtnička komora Federacije FBiH je potpisala Ugovor o poslovnoj saradnji sa BBI bankom u cilju dobijanja povoljnih uslova za kreditiranje obrtnika, tako da sa današnjim danom na području KS imamo plasirano 2.814.533 KM i ovaj projekat i dalje traje.
- Obrtnička komora Federacije FBiH je potpisala Ugovor o poslovnoj saradnji sa Energopetrolom d.o.o. gdje naši obrtnici mogu nabavljati gorivo po povoljnim uslovima a to je 9 feniga po litru jeftinije, tako da gledajući analizu imamo da su obrtnici na području KS uštedjeli zaključno maj 2019.godine 19.914 KM i ovaj projekat i dalje traje.

- Uzeli smo učešća u Javnom pozivu Ministarstva privrede KS u Programu zapošljavanja mladih u KS za 2018. I 2019.godinu, gdje I telefonski upoznajemo obrtnike da uzmu učešća.
- Vodi se rasprava na temu naplate prava autora muzičkih djela od strane AMUS-a
- Ogranizovali smo besplatno učešće zainteresovanih obrtnika na Sarajevskom sajmu privrede 2017.godine I 2018.godine.
- Održavanje radionica učenicima završnih razreda zanata na temu: "Kako I zašto otvoriti obrt februar 2019.godine.

Pored svih ovih aktivnosti I dalje nastojimo da riješimo zajedničke probleme svih obrtnika na području Federacije koji se ogledaju u sljedećem:

- Izmjene osnovice za obračun doprinosa obrtnika, gdje Federalno ministarstvo finansija svake godine donosi osnovicu koja se stalno povećava
- Smanjivanje fiskalnih I parafiskalnih nameta što predstavlja velika izdvajanja obrtnika
- Smanjivanje taksi od strane kantonalnih I općinskih tijela za obrtnike
- Omogućivanje obrtnicima koji sami obavljaju djelatnost korištenja bolovanja preko 42 dana, gdje ovde u Sarajevu traže od obrtnika da privremeno odjave obrt.

S poštovanjem!




 Kemal Isanović dipl.maš.ing.

Dostavljeno
 - SKUPŠTINA KANTONA SARAJEVO
 - a-a




Projekt Obrtničke komore Federacije Bosne i Hercegovine

Energopetrol/Ina


Obrtnička komora

broj izdanih kartica

▶ 12338




Broj izdanih kartica po županijama/kantonim




nih kartica	159	10448	653	846	115	88	29
-------------	-----	-------	-----	-----	-----	----	----

Odnos korišćenih i ne korišćenih kartica



Odnos korištenih i ne korištenih kartica po županijama/kantonima




■ Broj korištenih kartica ■ Broj ne korištenih kartica

Jkupan iznos litara

▶1.198.531,99


▶107.867,88 KM

· (Trenutna vrijednost projekta)




Jkupan iznos litara po županijama/kantonima

Litri




10 NAJVEĆIH POTROŠNJI U LITRIMA



Ostvarene uštede po županijama/kantonima

Ušteda po županijama/kantonima






Hvala na pozornosti!

Domagoj Andrijančić

obrtnicka.komora.fbih@gmail.com





OBRTNIČKA KOMORA KANTONA SARAJEVO, Ulica Čobanija 18.-20. Sarajevo. Tel/Fax: 033 /200-771

OBRTNIČKA KOMORA KANTONA SARAJEVO

Ulica Čobanija 18.-20. Sarajevo

Tel/Fax: 033/200-771

Email: okks@bih.net.ba

Sarajevo: 25.02.2019. godine

JU "Srednja škola metalčkih zanimanja" Sarajevo

Direktor Elmedin Lukač

Zmaja od Bosne br.55.

PREDMET: POTVRDA SA ODRŽANIH RADIONICA

Kako smo od nadležnog Kantonalnog Ministarstva za obrazovanje, nauku i mlade dobili saglasnost za izvođenje radionica u srednjim školama na području Kantona Sarajevo kako bi realizovali projekat "Zašto i kako otvoriti obrt", gdje traže da im podnesemo izvještaj. Za podnošenje kompletnog izvještaja neophodna nam je ova potvrda koja potvrđuje da smo održali radionice u datoj školi.

Ovom potvrdom se potvrđuje da su u JU "Srednja škola metalčkih zanimanja" u Sarajevu, dana 27.02.2019. godine održane dvije radionice i to u sljedećim terminima: u 11:35, u 12:25 sati.

JU "Srednja škola metalčkih zanimanja"

[Redacted signature]



OKKS

[Redacted signature]





OBRTNIČKA KOMORA KANTONA SARAJEVO, Ulica Čobanija 18.-20. Sarajevo. Tel/Fax: 033 /200-771

OBRTNIČKA KOMORA KANTONA SARAJEVO

Ulica Čobanija 18.-20. Sarajevo

Tel/Fax: 033/200-771

Email: okks@bih.net.ba

Sarajevo: 25.02.2019. godine

**JU "Srednja škola poljoprivrede, prehrane, veterine i
uslužnih djelatnosti" Sarajevo**

Direktor mr. Suad Alić

Hamdije Kreševljakovića br. 55.


PREDMET: POTVRDA SA ODRŽANIH RADIONICA

Kako smo od nadležnog Kantonalnog Ministarstva za obrazovanje, nauku i mlade dobili saglasnost za izvođenje radionica u srednjim školama na području Kantona Sarajevo kako bi realizovali projekat "Zašto i kako otvoriti obrt", gdje traže da im podnesemo izvještaj. Za podnošenje kompletnog izvještaja neophodna nam je ova potvrda koja potvrđuje da smo održali radionice u datoj školi.

Ovom potvrdom se potvrđuje da su u JU "Srednja škola poljoprivrede, prehrane, veterine i uslužnih djelatnosti" u Sarajevu, dana 25.02.2019. godine održane tri radionice i to u sljedećim terminima: u 10:00, u 12:00 i 13:05 sati.

JU "Srednja škola poljoprivrede, prehrane
veterine i uslužnih djelatnosti" Sarajevo

OKKS





OBRTNIČKA KOMORA KANTONA SARAJEVO, Ulica Čobanija 18.-20. Sarajevo, Tel/Fax: 033 /200-771

OBRTNIČKA KOMORA KANTONA SARAJEVO

Ulica Čobanija 18.-20. Sarajevo

Tel/Fax: 033/200-771

Email: okks@bih.net.ba

Sarajevo: 11.05.2019. godine

OŠ "Edhem Mulabdić" Sarajevo

Direktor Aida Omersoftić

Konak br.1

PREDMET: POTVRDA SA ODRŽANE RADIONICE

Kako smo od nadležnog Kantonalnog Ministarstva za obrazovanje, nauku i mlade dobili saglasnost za izvođenje radionica u osnovnim školama na području Kantona Sarajevo s ciljem prezentiranja zanata, gdje traže da im podnesemo izvještaj. Za podnošenje kompletnog izvještaja neophodna nam je ova potvrda koja potvrđuje da smo održali radionicu u datoj školi.

Ovom potvrdom se potvrđuje da je u OŠ "Edhem Mulabdić" u Sarajevu, dana 13.05.2019. godine u 12:25 sati održana radionica na temu "Profesionalna orijentacija i informisanje kroz promociju zanata".

OŠ "Edhem Mulabdić"

OKKS





OBRTNIČKA KOMORA KANTONA SARAJEVO, Ulica Čobanija 18.-20. Sarajevo, Tel/Fax: 033 /200-771

OBRTNIČKA KOMORA KANTONA SARAJEVO

Ulica Čobanija 18.-20. Sarajevo

Tel/Fax: 033/200-771

Email: okks@bih.net.ba

Sarajevo: 24.04.2019. godine

OŠ "Mula Mustafa Bašeskija" Sarajevo

Direktor Emina Mujan

Logavina br. 52.

PREDMET: POTVRDA SA ODRŽANE RADIONICE

Kako smo od nadležnog Kantonalnog Ministarstva za obrazovanje, nauku i mlade dobili saglasnost za izvođenje radionica u osnovnim školama na području Kantona Sarajevo s ciljem prezentiranja zanata, gdje traže da im podnesemo izvještaj. Za podnošenje kompletnog izvještaja neophodna nam je ova potvrda koja potvrđuje da smo održali radionicu u datoj školi.

Ovom potvrdom se potvrđuje da je u OŠ "Mula M. Bašeskija" u Sarajevu, dana 24.04.2019. godine u 12:25 sati održana radionica na temu "Profesionalna orijentacija i informisanje kroz promociju zanata".

OŠ "Mula M. Bašeskija"

OKKS

